

D738

U B397 DEB

MAHATHIR

SIBU, 10 APRIL (BERNAMA) -- DATUK SERI DR MAHATHIR MOHAMAD BERKATA KERAJAAN BARISAN NASIONAL DITUBUHKAN DENGAN HASRAT UNTUK BERKONGSI KUASA DENGAN PELBAGAI PARTI DAN KAUM DI NEGARA INI AGAR KESTABILAN DAN KEHARMONIAN TERUS TERJAMIN.

KONSEP BN BERTUJUAN MEMBERI PELUANG PENYERTAAN SEMUA KAUM DALAM KERAJAAN SEKALI PUN MEREKA DATANGNYA DARIPADA GOLONGAN KECIL AGAR KEPENTINGAN MEREKA TERUS DIBERI PERHATIAN, KATA PERDANA MENTERI.

+KITA TIDAK TAMAK KUASA DAN KITA TIDAK INGIN MENYIMPAN KUASA ITU PADA DIRI KITA SENDIRI SEMATA-MATA,+ KATA BELIAU DI HADAPAN LEBIH 15,000 PENYOKONG BN YANG MENYAMBUK KETIBAAN BELIAU DI PADANG SUKAN TEN TUANKU HAJI BUJANG KERANA LAWATAN SINGKAT KE BANDAR INI.

DATUK SERI DR MAHATHIR BERKATA DENGAN TERTUBUHNYA BN, MAKA KEPENTINGAN SEMUA KAUM DAPAT DIPELIHAR TERMASUK SUKU KAUM YANG KECIL, SETIDAK-TIDAKNYA PADA PERINGKAT TEMPATAN DI MANA MEREKA DIBERI PELUANG MENTADBIRKAN NEGARA INI.

KEJAYAAN BN DISEBABKAN OLEH KONSEP BERKONGSI KUASA DAN IA SUNGGUH UNIK KERANA MEMANDANGKAN MALAYSIA TERDIRI DARIPADA PENDUDUK BERBILANG KAUM, KATA BELIAU. -- LAGI.

1427MST 10 04 86

U B398 DEB

MAHATHIR 2 SIBU

+HASIL KEJAYAAN INI, PEMBANGUNAN PESAT DAPAT DIJALANKAN DAN KEMAKMURAN SERTA KEHARMONIAN RAKYAT DAPAT DIKEKALKAN,+ KATANYA.

BELIAU BERKATA SEBUAH NEGARA YANG STABIL DAN BERSATU-PADU SAJA YANG DAPAT MENUMPUNKAN TENAGA SEPENUHNYA UNTUK TUGAS-TUGAS PEMBANGUNAN.

PERDANA MENTERI MENYERU RAKYAT TERUS BEKERJA DENGAN LEBIH GIGIH DAN BERUSAHA MENJAMIN NEGARA INI BEBAS DARIPADA ANCAMAN ANASIR YANG BOLEH MENGGUGAT PERPADUAN MEREKA.

BELIAU BERKATA JIKA RAKYAT MAJU, MAKA NEGARA PUN TURUT MAJU KERANA LEBIH BANYAK HASIL DARIPADA CUKAI PENDAPATAN DAN SEBAGAINYA DAPAT DIPUNGUT OLEH KERAJAAN UNTUK PEMBANGUNAN.

DATUK SERI DR MAHATHIR MENAMBAH KATA KERAJAAN YANG KUAT HANYA AKAN WUJUD DARIPADA KEKUATAN RAKYATNYA DAN KERAJAAN YANG LEMAH PULA AKAN MEMBAWA KEHANCURAN KEPADA NEGARA DAN RAKYAT. -- LAGI.

1431MST 10 04 86

U B399 DEB

MAHATHIR 3 SIBU

+SYUKUR, DI MALAYSIA KITA BEBAS DARIPADA ANCAMAN YANG MEMBAWA KEHANCURAN DAN HURU-HARA SEPERTI TINDAKAN GANAS KOMUNIS DAN PENJENAYAH DAN SEBALIKNYA DAPAT MEMBAWA PEMBANGUNAN HINGGA KE TEMPAT-TEMPAT YANG DULUNYA TIDAK KENAL APA ERTINYA PEMBANGUNAN,+ KATANYA.

PERDANA MENTERI MEMBIDAS PARTI PEMBANGKANG YANG MENUDUH KONONNYA SARAWAK TIDAK DIBERI KEUTAMAAN DALAM USAHA PEMBANGUNAN.

+INI TIDAK BENAR, KERANA KITA MENGAMALKAN DASAR MELAKSANAKAN PEMBANGUNAN YANG SAMA RATA MENGIKUT KEPENTINGAN NEGERI MASING-MASING DI NEGARA INI,+ JELAS BELIAU.

KETUA MENTERI DATUK PATINGGI HAJI ABDUL TAIB MAHMUD YANG BERUCAP SEBELUM ITU BERIKRAR BAHAWA KERAJAAN NEGERI DI BAWAH PIMPINANNYA AKAN TERUS MEMBERI SOKONGAN PENUH KEPADA DATUK SERI DR MAHATHIR.

BELIAU BERKATA SEJAK DATUK SERI DR MAHATHIR MENGAMBIL ALIH PUCUK PIMPINAN NEGARA, MALAYSIA MEMASUKI ERA BARU PEMBANGUNAN SEHINGGA BERJAYA MENDAPAT PENGHORMATAN DUNIA LUAR. -- LAGI.
1433MST 10 04 86

0743

U B400 DEB

MAHATHIR 4 SIBU

DATUK PATINGGI HAJI ABDUL TAIB YAKIN KABINET DATUK SERI DR MAHATHIR YANG BANYAK MENGANDUNGI GOLONGAN PEMIMPIN GENERASI KEDUA, AKAN TERUS MEMBAWA MALAYSIA KEPADA SUATU TAHAP YANG LEBIH MAJU SEJAJAR DENGAN HASRAT KEMERDEKAAN YANG DICAPAI.

+GENERASI SELEPAS MERDEKA PERLU MEMBANGUNKAN BANGSA YANG BERMARUAH, MAJU, MAKMUR DAN BERSATU-PADU,+ KATA BELIAU.

KETIBAAN DATUK SERI DR MAHATHIR DAN DATUK SERI DATIN PADUKA DR SITI HASMAH DI PADANG SUKAN TUN TUANKU HAJI BUJANG DARI LAPANGAN TERBANG SIBU DIBERI SAMBUTAN PENUH MERIAH DENGAN ACARA TRADISI TEMPATAN.

KIRA-KIRA 20 GADIS YANG MEWAKILI PELBAGAI KAUM DI NEGERI INI MENABURKAN BUNGA SEPANJANG PERMAIDANI MERAH YANG DILALUI OLEH PERDANA MENTERI DAN ISTERINYA.

KETIBAAN DATUK SERI DR MAHATHIR DIBERI TEPUKAN GEMURUH DENGAN TERIAKAN +HIDUP MAHATHIR+ DAN +HIDUP BARISAN NASIONAL+ DARIPADA PENYOKONG-PENYOKONG PARTI YANG DATANG DARI PELBAGAI PELUSUK BAHAGIAN INI. -- BERNAMA.
1435MST 10 04 86